

საქმე # 340210016001284804

საქმე №2/161-16



2750451352599

www.info.court.ge



გ ა ნ ჩ ი ნ ე ბ ა

(საქართველოს სახელით)

საჯარო შეტყობინების შესახებ

02.09.2016 წელი

ქ. გურჯაანი

გურჯაანის რაიონული სასამართლოს
მოსამართლე რომან კუპატაძე

მოსარჩელე - სს "ლიბერთი ბანკი"

წარმომადგენელი - გიორგი რეხვიაშვილი

მოპასუხეები - ილჰამ მასიმოვი, მეჰრამ ასლანოვი, თალეჰ მასიმოვი, სევილ მამედოვა,
შირხან მასიმოვი

დავის საგანი - საკრედიტო დავალიანების გადახდევინება

სასამართლომ ზეპირი მოსმენის გარეშე განიხილა მოპასუხე მეჰრამ ასლანოვისთვის დაუსწრებელი გადაწყვეტილების საჯარო შეტყობინებით ჩაბარების საკითხი და

გ ა მ ო ა რ კ ვ ი ა:

გურჯაანის რაიონული სასამართლოს წარმომადგენელი სს "ლიბერთი ბანკის" სარჩელი მოპასუხეების ილჰამ მასიმოვის, მეჰრამ ასლანოვის, თალეჰ მასიმოვის, სევილ მამედოვას და შირხან მასიმოვის მიმართ საკრედიტო დავალიანების გადახდევინების თაობაზე.

სარჩელში აღნიშნულია, რომ 2013 წლის 25 თებერვალს ბანკსა და მოპასუხე ილჰამ მასიმოვს შორის გაფორმდა საბანკო კრედიტის ხელშეკრულება №53563, რომლის თანახმადაც მსესხებელმა მიიღო სესხი 10000 ლარის ოდენობით, წლიური 35%, კრედიტის მოქმედების ვადად განისაზღვრა 18 თვე. ხელშეკრულებით გათვალისწინებული იქნა ვადაგადაცილების პირგასამტეხლო, რაც ყოველ ვადაგადაცილებულ დღეზე შეადგენს გადაუხდელი თანხის 1%. №53563 ხელშეკრულების უზრუნველყოფის მიზნით 2013 წლის 25 თებერვალს სს "ლიბერთი ბანკსა" და მეჰრამ ასლანოვს, თალეჰ მასიმოვს, სევილ მამედოვას და შირხან მასიმოვს შორის გაფორმდა სოლიდარული თავდებობის ხელშეკრულებები. თავდებობის მაქსიმალურ ზღვრულ ოდენობად განისაზღვრა 10300 ლარი. მსესხებელს თანხის გადახდა უნდა მოეხდინა ხელშეკრულებაზე თანდართული გრაფიკით გათვალისწინებული წესით და საბანკო კრედიტის ხელშეკრულებით განსაზღვრული პირობებით, რაც მის მიერ არ შესრულებულა. მოპასუხეების დავალიანებამ 2015 წლის 25 თებერვლის მდგომარეობით შეადგინა 17849.60 ლარი.

გურჯაანის რაიონული სასამართლოს 2016 წლის 12 ივლისის დაუსწრებელი გადაწყვეტილებით დაკმაყოფილდა სს „ლიბერთი ბანკის“ სარჩელი. 2016 წლის 12 ივლისის მოპასუხე მეჰრამ ასლანოვს გაეგზავნა დაუსწრებელი გადაწყვეტილება სარჩელში მითითებულ მისამართზე. 2016 წლის 20 ივლისის საფოსტო უკუგზავნილით ირკვევა, რომ მოპასუხეს ვერ ჩაბარდა სასამართლო გზავნილი, ვინაიდან იგი არ იმყოფებოდა აღნიშნულ მისამართზე. 2016 წლის 5 აგვისტოს განმეორებით იქნა გაგზავნილი დაუსწრებელი გადაწყვეტილება უკუგზავნილიდან ირკვევა, რომ ადრესატს კვლავ ვერ ჩაბარდა სასამართლო გზავნილი მისი მისამართზე არ ყოფნის გამო, მეზობლის განმარტებით მეჰრამ ასლანოვი იმყოფება საზღვარგარეთ.

საქართველოს სამოქალაქო საპროცესო კოდექსის 78-ე მუხლის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე, ან ვებგვერდზე განთავსებით, ან დაინტერესებული მხარის მოთხოვნის შემთხვევაში - მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

სასამართლოს მიაჩნია, რომ მოცემულ შემთხვევაში ადგილი აქვს ზემოაღნიშნული ნორმით გათვალისწინებულ შემთხვევას: კერძოდ, საფოსტო შეტყობინების ბარათებით და საქმის მასალებით დადგენილია, რომ მოპასუხის ძირითადი მისამართია - ლაგოდეხის რაიონი სოფელი კაბალი, თუმცა დაუსწრებელი გადაწყვეტილების გაგზავნის მომენტისთვის მოპასუხე ამ მისამართზე აღარ ცხოვრობს და იმყოფება საზღვარგარეთ.

შესაბამისად, იმის გათვალისწინებით, რომ მოსარჩელის მიერ მითითებული მოპასუხის მისამართი სწორია, მაგრამ მას გზავნილი ვერ ჩაბარდა იმის გამო, რომ ის იმყოფება საზღვარგარეთ, სასამართლო უფლებამოსილია გამოიტანოს განჩინება სასამართლო შეტყობინების (დაუსწრებელი გადაწყვეტილების) საჯაროდ გავრცელების შესახებ შეტყობინების გურჯაანის რაიონული სასამართლოს შენობაში თვალსაჩინო ადგილზე განთავსების გზით.

სასამართლომ იხელმძღვანელა საქართველოს სამოქალაქო საპროცესო კოდექსის მე-8, 70-ე-78-ე, 184-ე, 201-ე, 284-ე-285-ე, 414-ე მუხლებით და

და ა დ გ ი ნ ა :

მეჰრამ ასლანოვს (პირადი №25001013473) საჯარო შეტყობინების გზით ეცნობოს გურჯაანის რაიონული სასამართლოს 2016 წლის 12 ივლისის დაუსწრებელი გადაწყვეტილების სარეზოლუციო ნაწილი

1. მიღებული იქნეს დაუსწრებელი გადაწყვეტილება მოპასუხეების მიერ შესაგებლის წარმოუდგენლობის გამო და სს „ლიბერთი ბანკის“ სარჩელი, მოპასუხეების ილჰამ მასიმოვის, მეჰრამ ასლანოვის, თალეჰ მასიმოვის, სევილ მამედოვის და შირხან მასიმოვის მიმართ, დაკმაყოფილდეს.



გურჯაანის რაიონული სასამართლო

შირხან მასიმოვს მოსარჩელე სს „ლიბერთი ბანკის“ სასარგებლოდ სოლიდარულად დაეკისროთ 8857.97 ლარის გადახდა.

3. მოპასუხეებს ილჰამ მასიმოვს, მეჰრაბ ასლანოვს, თალეჰ მასიმოვს, სევილ მამედოვს და შირხან მასიმოვს მოსარჩელე სს „ლიბერთი ბანკი“ სასარგებლოდ სოლიდარულად დაეკისროთ სახელმწიფო ბაჟის 265.74 ლარის გადახდა, მოსარჩელის მიერ წინასწარ გადახდილი სახელმწიფო ბაჟის ასანაზღაურებლად.

4. მოპასუხეებს გაეგზავნოს დაუსწრებელი გადაწყვეტილების ასლი და განემარტოს, რომ დაუსწრებელი გადაწყვეტილების გაუქმებისა და საქმის განახლების მოთხოვნით შეუძლია შემოიტანოს საჩივარი გურჯაანის რაიონულ სასამართლოში 10 (ათი) დღის ვადაში იმ დღიდან, როდესაც მას საქართველოს სამოქალაქო საპროცესო კოდექსის 70-78-ე მუხლებით დადგენილი წესით ჩაბარდება დაუსწრებელი გადაწყვეტილების ასლი. ამ ვადის გასვლის შემდეგ დაუსწრებელი გადაწყვეტილება შედის კანონიერ ძალაში.

განჩინება საჯარო შეტყობინების შესახებ გამოქვეყნდეს გურჯაანის რაიონული სასამართლოს შენობაში, თვალსაჩინო ადგილზე. სასამართლოს შეტყობინება მოპასუხე მეჰრაბ ასლანოვს ჩაბარებულად ეთვლება გურჯაანის რაიონული სასამართლოს შენობაში თვალსაჩინო ადგილზე გამოქვეყნებიდან მე-7 დღეს.

მოსამართლე



რომან კუპატაძე

ასლი დედანთან სწორია
გურჯაანის რაიონული სასამართლო

ხელმოწერა: _____

06.09.2018